

小兒科

愚按中古之士將小兒一科。各姓自立一家。其於立言。概以食指側面分風氣脉三關為式。以風關為輕。氣關為重。脉關為危。又以筋紋定症候。若珠形蛇形。弓形虫形等樣之紋。分別小兒百病。愚未敢輕信也。觀司幼科者。皆守筋紋為依。不分寒熱。虛實莫辨。是將不能言之小兒。竟作謎猜。所用丸散。幾箇呆方。幸而中者。驚誇名揚。其不中者。是寒熱倒置。溫涼失度。見止頃刻。莫能挽回矣。愚初習醫。看至小兒科學。察

筋紋。常將小兒食指側面拭看。有紋透三關而無病者。或有危篤之際。三關全無筋紋之透露者。以此見三關之不足憑也。考之經圖。三關之分。近手陽明大腸之經脉。商陽二間三間穴地。又手陽明之筋亦附近三關之路。是經筋并行其間而上。若認筋紋為主。考古人無筋紋立論主病者。若認經紋為主。而大方脉中以手太陰肺之經脉分寸關尺三部而定。惟反關脉從大腸經陽谿穴而定。以此言之。從三關者。從大腸之經脉也。但幼時從大腸之經脉。長大時陡換。

大陰肺之經脈。何一時之間。則捨彼而從此哉。
又有中古之士。將兒之部位為式。以青白紅黃黑之
色。定臟腑中之病。以青白黑為寒。以紅黃為熱。此
論雖合於理。要明達者。通於聞望。方能辨形容通臟
腑耳。況色亦有難辨之時。如兒之性純善者。任視細
玩。部位中形色。如兒之性急者。見面生之人。則輒啼
哭。面位皆紅。何以辨色乎哉。此說只可兼而用之。不
能為畫一之規也。

又自古迄今。以小兒男看左手三關。女看右手三關。



夫上古之書男女臟腑一也。兩手之脈皆同也。何幼年之男女有左右之分耶。又女兒十五歲診脈。又與男子同。豈一日之間女子之脈忽左右之掉換乎。究之何其謾唐者也。

又有司小兒科者。每每稱說小兒至十五歲方有脈可診。未及十五歲。悉以筋紋為準。殊不知有生之初。自有血氣之灌漑。經脈流通不息。誠無流通之脈。則無氣血之流行。其兒依何之以長養成人乎。今姑為數明。望同志之士。猛以脈為主。部位筋紋合參而用。

之則。舉萬當也。使不能言之兒。免遭藥餌之害。此
夫人生十六。以及至百歲。皆以四至為平。脉行經脉
中。晝夜循環不息。惟老幼身有長短。長者合度。短者
速行。所以嬰兒之脉。皆一也。

亦審脉中浮沉遲數有力無

力。則病中之虛實。朗然明亮矣。

觀夫天地有寒熱。人情有愛惡。且兒之出胎也。常有
胎寒胎熱之軀。當其遇父母之富足。又值長胎。則愛

上加珍重綿厚絮却日避風或是胎熱之體則熱上加熱幾何不成急驚者乎當其遇父母之貧乏又值多子之秋是為喜中不足反增一憂愁耳衣裳單薄睡無溫煖或是胎寒之體幾何不成慢驚者乎

再幼科書中皆以急慢驚風立名夫驚者駭也緣觸物之聲也蓋熱之深病將發矣因之而驚駭也以之立名則可以之立實則非也又言驚風者按兒之熱症乃血枯乾燥之象乾燥則筋急有類乎風也實風者乃天地之涼氣與熱何言又言熱極則風生於天

地間則有之。於人身中則未也。如人身中有熱。則乾燥。風者涼氣也。使果熱則生風之涼氣。以熱見涼。則病解矣。何驚發之有。

又有急慢驚風並症。但急驚者熱也。慢驚者寒也。使寒熱可以同病。則水火可以並合。而陰陽不足與分別矣。又有慢脾風之症。死在一刻之間。而無救者。夫病死於一刻。則臟腑氣血敗於先也。豈只脾之一臟乎。惟慢驚者涼也。然風亦涼寒中之輕也。寒者涼之重也。稍合於症云耳。



俗云兒在腹中有血塊在兒之口兒含之以飲血然
兒之在胎中有包衣裹其身而無出入之路惟包衣
之口通於臍帶然母之氣血浸潤之而入蓋兒之口
乃消血之路血得從路而歸之耳

夫小兒之軀大人亦由之而長大何有二哉無非臟
腑未實氣血未充筋骨未堅經絡未滿疾病大同而
小異也。只以用藥輕重之殊。今將小異者提明。如胎
寒胎熱急驚慢驚臍風夜啼走馬牙疳口疳之異也。
如胎寒者面白唇青嘔吐不消四肢厥冷肩攢聲細。

內癰傷食等症

如胎熱者目閉口疳大便結小便赤體黃舌胎熱毒

瘡瘍赤遊丹毒

如急驚者牙關緊閉目竄唇紅反張搐溺面黃口赤

鼻氣熱冲大便結小便赤

如慢驚者眼慢聲細面色白青身肢厥冷痰涎額汗

低頭露眼下利清谷

如夜啼者有寒熱之分寒者臟腑有寒邪則肚腹疼

痛熱者心肝有熱面紅舌燥煩躁喜燈皆常夜啼



如臍風者雖在七司之內實由胎寒加出胎日又受
寒邪是以病深看臍有濕口內臭惡氣冲
如五疳者形瘦髮焦四肢枯細肚大筋青口乾壯熱
面赤心煩眼生翳膜喘急瘡疥足冷齟宣腹滿泄利
骨蒸盜汗等症
如口瘡牙疳者皆心脾之熱也口瘡熱之淺牙疳熱
之深也

琥珀抱龍丸

此方本王道藥味急慢
等症從權之

胎寒
慢驚
類

溫中湯



加減附子理中湯

胎熱
急驚

擬類大清熱湯

擬類小清熱湯

集錄大連翹飲

胎黃

擬類滲濕湯

哮喘

擬類小中風湯

加減麻黃湯

喘

擬類調順陰陽湯

五疳

擬類小清熱湯

蛭蟅

擬類虫心痛湯

一女孩年七歲吐血已二年一月期吐二次吐期二



日為止。醫治之吐益甚。延余治之。脉得三至無力。此乃虛寒之候。生來氣分不足。血分有餘。氣短血長。長則滿而溢也。病在父之遺。非母之咎也。病家長曰。誠是明士。胎中之病已詳矣。此女童係吾之孫女也。吾見幼得弱症已亡。今媳孀居於內也。藥用人參附子肉桂乾姜棗仁烏梅。正在吐時一劑而止。仍原方五劑而全。於今十餘年矣。未見復焉。



針灸二科

愚按醫家名目計有一十三科次第者一針二灸三砭四藥針有劫病之功灸獲回生之論今人畏針之刺痛懼火之焦灸惟以大方脉而樂從之按砭科者砭乃玉石之類出於東海三千里有山焉名東峰山產砭石之所取之磨為利簪刺病所之分見血病愈功效頃刻於今迷失道路石之不可得也已至此科之失久矣詳夫銅人明堂圖內經絡穴道分陰分陽寸節立名有頭上病而腳下針有腳下病而頭上取

有左病而右畔灸。有右病而左邊尋。陽經之病陰經取。陰經之病陽經求。皆應手取効之功。審其病亦多。而穴亦煩。及後之進者。芒難步艱。未能入而志踈矣。故畧選數穴。使熱症者針之。以瀉熱。寒症者灸之。以溫散。誠能用之者。比大方脉之先捷也。望業岐黃者。留心焉。則古人立針灸二科之功。不致遺亡也。且如兩臂頑麻。少海逐傍於三里。半身不遂。陽陵遠達於曲池。肩井除兩臂任。尺澤治五般肘疼。兩腿風邪。皮痛。環跳絕骨。左癱右瘓。難移。亦覓環跳。腿股筋。

痰環跳風市及陰市。脚膝腫痛。懸鍾二陵三陰交。

氣。經年內外踝仍取崑崙并呂細。

頭痛眩暈針百會。頭風頭痛灸風池。頭面耳目口鼻。

病曲池合谷為之先。

聾目不開取肝俞命門。目痛血翳審左右太陽。目昏。

不見二間宜取。眇曦冷淚臨泣。走準攀睛攻少澤。肝。

俞淚出刺臨泣頭維。

兩耳聾閉合谷金門聽會。迎香穴濕功神。

口喎偏斜頰車地倉。牙齒疼痛承漿大迎。

咽痛時液門魚際。喉閉時少商照海。

或針風先針風府百會中。或針痰先針中脘三里間。

或針吐中脘氣海膻中良。或針瀉瀕向膏肓及百勞。

或針虛氣海丹田委中奇。或針氣膻中一穴分明記。

或針水水分俠臍上邊取。或針結針着大腸瀉水穴。

魄戶膏肓能除傳伏之屍。百勞通里可療心經之損。

虛損瀕尋天樞羸瘦却向三里。

七疝偏墜大敦太冲期門。膀胱氣痛氣海照海關元。

胸脇腹痛內關飛虎。脾冷胃疼公孫中脘。



中医药大学图书馆版权所有

脾虛五穀不消。脾俞膀胱俞覓胃冷飲食難化魂
胃俞堪求。天樞理脾泄中魁治翻胃痢疾危際
氣海中脘水腫水蠱針刺水分氣海陰陵泉開通水
道三里穴刺消蠱脹

腫滿徧身脹不寬。兩大拇指縫中看。或足二指上寸
半艾壯多灸腫亦全。

痞塊之穴用童門根究。須尋十三椎。各開三寸多灸
左兩邊塊結兩邊尋。又法足掌用稗量折半尾骨盡
相當兩邊各開。如韭許。左右易燃是神方。又法足次